

C40-4514



淨土指歸集卷下

C40  
4514

吳郡北禪寺沙門大休

證驗門第六

修念佛三昧獲往生而登不退留瑞應於世者若河沙微塵之多不可悉數也傳記所載蓋千萬之一二焉舉一二則可知千萬之廣使學者慕前修而取法焉由正信而立願造修進進而不息則今之三昧行人皆淨邦不退之上士也

菩薩往生

無量壽經彌勒白佛言於此世界有幾菩薩往生極

B 64853

9 10 11 12 13 14 15 16 17 18 19 20 1 2 3 4 5 6 7 8 9 30 1 2 3 4 5 6 7 8 9 30 1 2 3 4 5 6 7 8 9 30 1 2 3 4 5 6 7 8

摩訶止觀

六之  
十

霸

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

樂佛告彌勒於此世界有六十七億不退菩薩往生  
彼國一一菩薩已曾供養無數諸佛次如彌勒者也  
諸小行菩薩及修少功德者不可稱計皆當往生不  
但我國如是他方佛土如遠照佛刹有百八十億菩  
薩皆當往生十方世界無量佛刹往生者甚多無數  
若我真說一切猶未能盡

龍樹往生

入楞伽經偈云大慧汝當知善逝涅槃後未來世當  
有持於我法者南天竺國中大名德比丘厥號爲龍  
樹能破有無宗世間中顯我無上大乘法得初歡喜

地往生安樂國楞伽三譯此出實叉難陀所譯七卷  
文中在四字函

遠公遺跡

汰師慧遠博通經史尤善莊老聞道安汰師講般若  
經豁然大悟歎曰九流異議皆糠粃耳卽剃染事之  
大明佛理苻秦建元間過潯陽愛匡廬清峻刺史桓  
伊結東林以居之三十年影不出山每送客以虎谿  
爲界晉安帝自江陵還都駕幸潯陽或勸師候見師  
稱疾不前帝乃遣使問勞謝靈運負材傲物一與相  
見肅狀心服爲鑿二池引水栽蓮求入社師以心雜

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

止之高僧鉅儒二百二十三人並棄世遺榮依公游  
止錦遺民著誓辭建誠立願蓮漏六時禪誦不輟期  
生安養由是修淨業者以東林蓮社爲萬世之師法  
焉

### 三觀聖相

廬山遠汰師精修白業居東林三十年初於十一年  
間三觀聖相而不令人知後十九年七月晦夕於般  
若臺方從定起忽見阿彌陀佛身滿虛空圓光之中  
有諸化佛觀音勢至侍立左右又見水流光明分十  
四支流注上下演說妙法佛言我以本願力故來安

慰汝汝七日後當生我國又見佛陀耶舍慧持曇順  
在佛之側前揖曰師志在吾前何來之遲耶旣知時  
至乃爲其徒曰吾始居此三觀聖相今復再見吾生  
淨土決矣至期端坐入寂義熙丙辰八月六日也

### 智者遺誠

天台智者大師在剡東石城寺將入滅謂弟子曰吾  
知命在此不復前進輒斤絕弦於今日矣唱觀無量  
壽佛經題竟復曰四十八願莊嚴淨土華池寶樹易  
修聖行道力功不唐捐矣梵音聲相實不誑人智朗

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

請云不審證入何位歟此何生誰可宗仰師曰吾不領徒必淨六根損己利它但至五品汝問何生者章諸師友侍從觀音皆來迎我誰可宗仰者豈不聞波羅提木叉是汝大師四種三昧是汝明導又誠維那曰人命將終聞鐘磬聲增其正念惟長惟久氣盡爲期云何身冷方復鳴磬世間喪服皆不應爲言訖唱三寶名如入三昧

善導功行

唐貞觀間長安善導和尚見西河禪師九品道場嘆曰此真入佛道之津要也修餘行業迂僻難成唯此門速超生死由是三十年間行道不輟所得觀施寫彌陀經十萬卷畫淨土變相三百餘壁道俗受化者不計其數或問念佛生淨土耶答曰如汝所念遂汝所願每念佛一聲有光一道從其口出高宗賜寺額曰光明有勸世頌曰漸漸雞皮鶴髮看看行步龍鍾假饒金玉滿堂難免衰殘老病任汝千般快樂無常終是到來唯有徑路修行但念阿彌陀佛

遺民見佛

鎬遺民從廬山汰師結社作誓辭以識盛事社賢百二十三人十八人爲最公又拔乎其萃者公凡念佛

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

時見阿彌陀佛身紫金色以臨其室公愧幸悲泣曰  
安得如來爲我手摩其頭衣覆其體乎俄而佛爲摩  
頂且引袈裟以覆之它日又見身遊七寶大池澄徹  
無際蓮華青白相間一人指池水曰八功德水汝可  
飲之公飲水甘美及寤猶覺異香發於毛孔公曰此  
吾淨土之緣至矣誰爲六和之衆與我證耶少頃繙  
徒咸集公對尊像然香再拜祝曰我以釋迦遺教故  
知有阿彌陀佛此香供養釋迦如來次供阿彌陀佛  
妙法華經諸佛菩薩願一切有情俱生淨土發是願  
已長跪而卒

### 聲光現佛

新定少康沙門縉雲僊都人唐貞元初於洛陽白馬  
寺見殿內文字放光採取之乃善導和尚化導文康  
曰若於淨土有緣使光明再現言未已光乃閃爍康  
曰劫石可磨我願無易矣遂至長安善導影堂大陳  
供養有異僧謂之曰汝欲化人當往新定卽今之嚴  
州也康至彼人無識者康乃乞錢誘小兒曰阿彌陀  
佛是汝本師能念一聲與汝一錢群兒務得錢皆隨  
念之經月餘俟錢者多康曰可念十聲與汝一錢如  
是一年念佛之人盈于道路續於烏龍山建淨土道

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

場築壇三級集衆午夜行道每唱佛一聲衆見一佛從口而出連唱十聲則有十佛若貫珠焉康曰汝見佛者決定往生衆滿數千亦有竟不見者後囑道俗當於安養起精進心於閻浮提生厭離心言訖放光數道奄狀而逝天台韶國師重修其塔世咸謂善導後身也

### 別峰行道

永明智覺禪師應吳越忠懿王請住靈隱寺二年遷居永明日課一百八事未嘗暫廢學者咨問指心爲宗以悟爲則至暮則往別峰行道念佛自爲難繼不

欲強它然密從之者常數百人清宵月朗空中時聞螺貝天樂之聲王每歎曰自古求西方者未有若是之切至也特爲建香嚴殿以成其志

### 冥司崇敬

真歇云永明壽禪師宗門之標準淨業之白眉也興隆佛法勸億萬人修白業臨終預知時至舍利鱗砌于身嘗有撫州一僧經年旋繞禪師之塔人問其故乃曰向因病入冥闇王以陽數未艾得放還生見殿左供畫僧一燈王禮敬勤致遂扣主吏此是何人吏曰杭州永明寺壽禪師也凡人歿者無不經由冥府

判生唯此人修行精進徑生極樂上品王以爲希有故圖像而敬事焉

西湖結社

宋淳化間錢塘西湖省常法師住南昭慶專修白業結淨行社王文正公旦爲社首士夫預會者皆稱淨行社弟子社友八十比丘一千法師刺指血書華嚴淨行品以立誓翰林承旨宋白撰碑其略曰師慕遠公啓廬山之社易白蓮爲淨行之名遠公當衰季之時所結者半隱淪之士上人屬升平之世所交者多有位之賢方前則名士且多垂裕則津梁曷已狀元

孫何題社客于碑陰翰林蘇易簡作淨行品序曰予當布髮以承其足剝身以請其汰猶尚不辭况陋文淺學而有惜哉

蓮華勝會

長蘆慈覺禪師宗說兼暢解行俱高修禪林清規作龜鏡文坐禪儀發明圓解禁止游言至于尚清儉誠洗麵話行海內固不取汰以爲廣益群生速登不退莫如念佛往生元祐四年廣集緇素建蓮華勝會一夕夢一男子年三十許峩冠素衣風貌清美前揖曰欲預公勝會告書一名禪師曰公何名曰普惠書畢

9 10 1 2 3 4 5 6 7 8 9 20 1 2 3 4 5 6 7 8 9 30 1

又云家兄亦曾預名禪師曰令兄何人曰普賢言訖  
忽不見既覺而忽省曰此華嚴離世間品一大菩薩  
也故知佛子行佛事助揚佛化則感聖賢幽贊預是  
會者夫豈小緣普賢變名易號不知何人乃以二菩  
薩爲首云

御書蓮社

宋乾道間兩浙都總管張掄期生淨土刻勵精進惟  
佛是念閻門長幼靡不從化鑿池栽蓮效東林結社  
之遺意日率妻子課佛萬遍歲以春秋之季月卽烏  
戌普靜蘭若與信道者共之見聞隨喜雲集川至

太上光堯壽聖

皇帝親灑宸毫書蓮社二大字爲賜掄拜手登受雲  
章奎畫自天而下光氣昭倬焜耀萬目不獨傳示雲  
林以侈萬一之遇使天下後世凡獲瞻仰者普得念  
佛三昧究竟成就無上菩提其爲饒益詎可稱量謹  
刊諸金石用對揚丕顯之休命

七寶華舫

梁道珍禪師志慕淨業未及進行一夕夢數僧乘七  
寶華舫泛海西邁珍問何之曰將適彌陀佛國也珍  
乃求附載舟人曰以子之意孰敢相拒但於此一日

之修功超永劫以子未誦彌陀經及灌沐衆僧所願未圓故不可同往耳旣寤感歎自是誦彌陀經晝夜不輟及開室沐僧後二年忽見一人捧銀臺而至曰汝師報盡當乘此臺將亾之夕邑人見其山崖石壁烈火千炬交相輝耀迄旦卽山問之乃知珍亾其往生之徵驗歟

誓取金臺

台州懷玉禪師持律甚嚴布衣一食長坐不臥誦彌陀經三十萬遍日課佛號五萬聲天寶元年見佛菩薩滿虛空中一人持銀臺來接玉曰吾一生念佛誓

取金臺何爲不然聖衆遂隱玉彌加精進三七日後乃復現前異光滿室謂弟子曰吾生淨土矣含笑而終郡守段懷然見而異之作偈讚曰我師一念登初地佛國笙歌兩度來唯有門前古槐樹枝低只爲掛金臺○宋政和間三衢祥符寺憲章憫汝師感應事亦相類

焚毀仙經

後魏壁谷彙汝師少遊五臺感靈異出家而性好言術聞陶隱居有長生汝千里就之受仙經十卷謂神仙必可致也後還洛下遇菩提流支三藏乃問曰

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

西域有長生之術能却老不歟乎支笑曰長生不歟吾佛道也乃授十六觀經曰汝學此則三界無復生六道無復往盈虛消息禍福成敗無得而至其爲壽也有河沙焉有劫石焉沙石之數有限壽量之數無窮此吾金仙氏之長生也鸞大喜遂焚毀仙經而專修淨業雖寒暑之變疾病之來亦不少懈魏主敬慕之號爲神鸞一夕室中見梵僧謂曰吾龍樹也居淨土久矣以汝同志故來相見鸞曰何以見教樹曰已去不可及未來未可追現在今何在白駒難與回言訖不見鸞自知時至卽集衆敎誡令高聲念佛西向

瞑目而終衆聞管絃之聲自西而來久而乃已

惟恭滅罪

唐荊州法性寺僧惟恭性慳傲慢上凌下親狎非類稍暇則講經課佛期生安養然酒徒博侶交集于門虛誑之爲曾無虛日寺僧靈歸其同類也里人譏之曰靈歸作盡業惟恭繼其迹地獄千萬重厭排頭我愆惡拔我塗炭豈復墮惡道耶乾寧二年恭病將亾歸從外而還見伶人數輩年少奇偉衣裝鮮潔歸問何來曰自西來惟恭上人寺在何處歸指寺示之

10 1 2 3 4 5 6 7 8 9 20 1 2 3 4 5 6 7 8 9 30 1

一人自懷中出一金瓶瓶中蓮華其合如拳俄頃卽開大如盤盂光彩交映望寺疾馳而忽不見歸至寺聞鐘聲衆咸集迺知恭已歟矣異光籠罩其室聞天樂之音歸因言所見衆皆驚異歸亦守名節遂成高邁云

### 雄俊入冥

唐大曆間成都僧雄俊膽勇過人不守戒律而善於講說所得施利非法而用嘗罷道從戎尋逃難又爲僧守名節者多畏避之因聞經說一稱佛名滅八十億劫生少重罪乃大喜曰賴有此耳自是雖爲惡而

念佛不輟丁未二月忽暴亡經宿復甦言至冥司冥官曰悞追汝也狀汝罪惡不少可略經塗炭令吏卒驅入獄中俊勵聲曰一稱佛名滅無量罪後雖造惡不至五逆豈佛語無憑耶吏亟奏王王召至語之曰汝之念佛本無深信可還人間精進修之母復放逸人聞其說嘲之曰此地獄漏網人也旣而入城南之西山齋戒念佛越四年辛亥三月緇素駢集俊喜曰吾時至矣爾輩還城見吾親知爲俊語曰俊以念佛得生淨土矣無以爲地獄漏網人也語笑之間端坐而化

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

## 密修淨業

圓照本禪師密修淨業初參天衣懷禪師弊衣垢面躬事炊爨略無少忘或曰太勞乎師曰若捨一法不名滿足菩提直欲此生身證其敢言勞汗京資福寺曇法師者杜門養道不與世接往往神遊淨域不妄與人言一日步至惠林殷勤致敬人問其故答曰吾於定中見淨土金蓮極大題云永明寺比丘宗本其他附麗小華不可勝數皆禪師所化人也爲此特往修敬或問禪師云師乃別傳之宗何得標名淨土師曰雖迹在禪門而留心淨業故也

## 臨終見佛

上虞化度寺智廉上人稟性質朴是非不掛唇吻爲行者日求度於天童爲禪師師示以偈曰廉潔身心絕愛憎碓坊勤力効盧能純純寂默常光照他日叢林了事僧既得度徧參尊宿晚節專修淨業年八十二忽與衆言別言我見阿彌陀佛身長八尺紫金相好白玉明毫大衆圍繞說法言諸上善人當起大信心修諸善法來生我國我旣見佛必生淨土矣乃書偈曰鴈過長空影沉寒水無滅無生蓮華國裡書畢回身向西一手捉腕一手捻印右脇而逝

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

## 臨終說法

胡宣義名闡字達夫雖信向佛乘而未諳淨土之說年四十有四臨終疾革其子往告清照律師曰大人感疾請師垂訪照往見謂之曰某平昔不交於公未曾言及末後一著豈可不知安身立命處闡曰心淨則佛土淨照曰公平昔時中還有雜念染污否闡曰旣處世間寧無雜念照曰若如此又安能心淨佛土淨耶闡曰一稱佛名滅八十億劫生死之罪何耶照曰大乘經說阿彌陀佛塵劫修行成身成國依正莊嚴有大威德光明神力不可思議是以一稱其名滅

無量罪猶如赫日消於霜露復何疑哉闡遂省悟卽日請僧念佛次日清照後至闡遽曰師來何遲煩一大士降臨以久於是清照率衆勵聲稱佛闡乃合掌安詳而逝闡於淨土平昔未嘗留心老病因迫聞善知識一言啓迪頓釋疑情卽生淨土非宿有善根而能若是哉

## 俸錢畫佛

唐中大夫太子少傅白居易當衰莫之歲中風痺之疾捨俸錢三萬命工人杜宗敬按無量壽經畫西方世界一部高九尺廣丈有二尺彌陀尊佛坐中央觀

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

音勢至二大士侍左右人天瞻仰眷屬圍繞樓臺伎樂水樹華鳥七寶嚴飾五彩張施爛爛煌煌功德成就焚香稽首跪於佛前起慈悲心發弘誓願願此功德回施一切衆生一切衆生有如我老者如我病者願皆離苦得樂斷惡修善不踰南瞻便覩西方白毫大光應念來感青蓮上品隨願往生從現在身盡未來際常得親近而供養也欲重宣此義以偈讚曰極樂世界清淨土無諸惡道及衆苦願如我身老病者同生無量壽佛所

### 念不間斷

光州司士叅軍王仲回問無爲子曰經典多教人念彌陀生淨土祖師則云心即是淨土不用更求西方其不同若此何耶無爲子曰實際理地無佛無衆生無苦無樂無壽無天又何淨穢之有豈得更以生不生爲心耶此以理奪事也然而處此界者是衆生乎是佛乎若是佛境則非衆生又何淨穢苦樂之有哉試自忖量或未出衆生之境則安可不信教典至心念佛而求生淨土哉淨則非穢樂則非苦壽則無天矣於無念中起念無生中求生此以事奪理也故維摩經云雖知諸佛國及與衆生空而常修淨土教化

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

諸群生正爲此也。又問如何得念不間斷答曰一信之後更不再疑即是不間斷也。司士欣躍而公後二年無爲子守丹陽郡忽夢司士云向蒙指示淨土今已得生特來致謝乃再拜而出後數日訃音至言司士七日前預知時至與鄉黨言別而化政感夢時也。

西方公據

蘇文忠公南遷日佩畫一軸人問之公曰此吾西方公據也。展玩之乃彌陀聖像母夫人程氏歿以簪珥遺物命工胡錫畫彌陀像施錢塘照律師自製讚曰佛以大圓覺充滿十方界我以顛倒想出沒生死中

云何以一念得往生淨土我造無始業本從一念生既從一念生還從一念滅生滅盡處則我與佛同如投水海中如風中鼓橐雖有大聖智亦不能分別願我先父母及一切衆生在處爲西方所遇皆極樂人人無量壽無去亦無來嘗弔海月大師辨公詩曰生死猶如臂屈伸情鍾我輩一酸辛樂天不是蓬萊客憑仗西方作主人

七寶佛像

杭州淨慈道場汰真大師守一結同志檀越用金銀珍珠珊瑚琥珀碑碣碼礎造彌陀佛像聖相殊妙感

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

應非一無爲子瞻仰贊歎云碎七寶以爲塵聚寶塵以爲佛見寶塵卽見佛佛無不是寶見佛身卽見寶寶無不是佛七寶世間寶也衆生貪取無有厭足不得卽瞋而癡不能悟此惡道之因也七寶旣以爲尊像矣則非世間所用乃出世之寶也遇寶像者應生恭敬嚴奉禁戒純固定力了達智慧此淨土之因也佛身等於太虛故不設五藏以衆生心爲心故會中之人各書彌陀一願凡四十八人而彌陀之願周矣悉以藏于身中示願不忘衆生也譬如千有一百一一實以舍利堅固願力也像成之日以八種香湯

灌沐如來表八功德水也人隨意以飲之均甘露味也一身清淨則一切身清淨一念清淨則一切念清淨狀則不離娑婆頓超極樂一見寶像成就大緣豈思議之可及哉

• 繪像警述

鎧菴居士曰發菩提心必具悲智二行審欲求生聖域正須啓迦羣述安得寫十界九品俾萬目瞻敬知所省覺爲廣大無窮之利也言未旣諸君翕狀稱善於是同社捐金以成之聞見隨喜以助之選工施彩幻出一圖于門廡復據摭教藏發明旨趣一以示萬

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

法唯心一以指西方徑路較餘功德真所謂百千萬分不及其一者歟噫光陰電掣因果影隨勿倚壯而廢日勿肆情而造愆瞻茲簡易法門能卽回光返照則不離當處超脫苦輪諸佛境界悉現前矣

### 龍舒立化

龍舒居士王曰休字虛中端靜簡潔博通群書訓傳六經諸子數十萬言一旦捐之曰是皆業習非究竟法吾其爲西方之歸自是精進唯佛是念年六十布衣蔬茹日課千拜夜分乃寢乾道中廬陵李彥弼染疾垂革夢一人神清貌古以手按摩肢體弼驚問答

曰予龍舒居士也弼因以疾告公曰汝起食白粥卽差矣又曰汝還記闕仲雅敎汝捷徑否弼曰每日念佛不輟弼覺因索白粥食之病果愈後見公畫像儼如夢睹弼感戴稱生歿骨肉遂遣子姪遠從其學一日忽曰居士於某夜講書罷如常禮念至三鼓忽勵聲稱阿彌陀佛數聲唱言佛來接我屹然立化卽人有夢二青衣引公西行者三日前徧別道友勉進淨業有不復相見之語或疑李之夢因想以成弼曰其指白粥愈病又安可欺哉李君謹願無以報德遂刊公像并事跡以傳遠自是家家供事之

獨孤皇后

隋文帝仁壽元年八月甲子獨孤皇后上懶皇后雖居王宮深厭女質常念阿彌陀佛至臨終時異香滿宮從空而至帝問閻提斯那是何祥瑞對曰西方有佛號阿彌陀皇后業高神超彼國故有斯瑞著作郎王劭言佛說人應生天及生佛國佛天放大光明以香華伎樂來迎伏惟皇后福善禎符備諸祕記臣謹按八月二十二日仁壽宮內雨金銀華三十三日大寶殿後夜有神光二十四日卯時永安宮北有自狀種種音樂震滿虛空至夜五更奄然如寐而太子與經

文所說事皆符驗帝聞不勝感歎

女流往生

無量壽佛經韋提希夫人白佛言唯願世尊爲我廣說無憂惱處我當往生不樂閻浮提濁惡世也此濁惡處地獄餓鬼畜生盈滿多不善聚願我未來不聞惡聲不見惡人今向世尊五體投地求哀懺悔惟願佛日教我觀於清淨業處世尊爲說三種淨業十六妙觀頓悟無生法忍五百侍女發菩提心皆得往生或曰天親論說女人根缺二乘不生何耶曰此言安養果報殊勝無女人根缺非謂此土女人根缺不得

10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

生彼也汰華特記女人往生豈不狀哉○宋荆王夫人王氏專修淨業曉夕勤至給侍之人無不卽効唯一妾懈慢夫人責之其妾悔悟亦加精進忽無疾而終託夢於妾云蒙夫人訓誨已生淨土妾白夫人未之信忽夫人亦夢與妾同遊寶池見一華天衣飄揚題曰楊傑一華朝服而坐題曰馬玗復見金壇光明晃耀此夫人生處也旣覺彌加精進年八十一當慶誕之日秉燭狀香望觀音閣立左右方具獻壽之儀已立化矣○廣平郡夫人馮氏少多病慈受深禪師教其齋戒念佛諦信不疑行之十年超狀厭世人或惡輩往生

怪之夫人曰清淨界中失念至此支那緣盡行卽西歸適我願兮何怪之有臨終氣絕復甦謂其夫妙明居士及侍病者曰吾已歸淨土見佛境界與華嚴十六觀經所說無異聞者感歎旣亡三日後舉屍如生異香芬馥古今女流念佛獲往生者甚多傳記具載

惡輩往生

唐人張善和殺牛爲業臨終見牛數頭來作人言云汝殺我於是大怖遂喚妻急請僧來爲我懺悔僧至云十六觀經說臨終惡相現者至心念佛卽得往生善和云不暇取香爐也遂以手捻香面西稱佛未滿

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

十聲乃言阿彌陀佛從西來接我也卽化公○又張鍾馗者殺雞爲業病革見一穿紳人驅群雞來叫云啄啄兩目血流受大痛苦有僧爲設佛像令其念佛俄頃香氣滿室恬狀而化○宋政和間會稽金炳網魚爲業一日猛省持戒精進日課佛號萬聲無間斷後無疾語家人言彌陀與一菩薩在門前待我歸淨土公也焚香端坐而化邑人聞異香天樂終日不散靈禽往生

唐貞元間河東裴氏家畜鸚鵡常念佛號過午不食臨終十念氣絕火化得舍利十餘粒炯狀耀目僧慧

觀於靈山用陶甓建塔以旌其異成都尹韋臯爲文記其事甚詳○潭州人養鵠鵠俗呼八八兒常念佛既亡以棺葬之生蓮華一朵自其口出龍舒淨土文載之又頌云有一靈禽八八兒解隨僧口念阿彌陀埋平地蓮華發我輩爲人豈不知○黃巖正等寺觀師畜鵠鵠能言常念佛不輟一日立斂穴土壅之未幾於舌端生紫蓮華一朵靈芝律師嘗讚之有立人籠閉渾閑事化紫蓮華也大奇之句

### 決疑門第七

不信曰疑萬惑之所從生也不疑曰信萬善之所

9 10 1 2 3 4 5 6 7 8 9 20 1 2 3 4 5 6 7 8 9 30 1

從出也蚩蚩羣彙迷情深厚念念起妄心心著我  
而妄說法空撥無因果自甘沉溺者比比皆是何  
異認瓦礫爲真金指伊蘭爲瞻薦揠苗助長而槁  
死狂熱投圓而欲沒者歟先德憫之辯疑解惑之  
說由是而作焉彼無知者障重疑深聞而不信如  
人疾在膏肓而畏人說藥雖良醫有起死回生之  
妙亦無如之何也悲夫佛言一切世間難信之法  
宜矣

### 難信之法

青山樓弄云淨土法門決狀可信如來蓋嘗特言之

屢言之委曲而言之而世人尚毀信相半大抵高明  
之士則曰口稱佛名便能成佛一何易哉是未嘗稽  
其所以不知淨土業成但生彼國無惡境界有進無  
退直至成佛豈纔生彼國便成佛耶以少善根爲無  
以加者則曰口稱佛名定可往生是亦未爲至論所  
謂念者致精誠焉勿忘之謂也豈口舌云乎哉予雖  
未能不輟香火揚聲扣拜狀動容周旋念念不絕雖  
在席之上踰溷之間亦必避西自謂世人莫如我修  
淨業也四明法智起天台大教於旣墜之後使人見  
性成佛猶且以此化人是知此深法門爲不可廢明

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

矣若曰何必生彼狀後成佛則在家者亦不必出家而星居甲乙者亦不必尋師訪道矣未透關者幸留意焉

淨土非權

慧覺玉禪師曰或謂淨土乃聖人之權方所以接鈍根化凡器也苟能一超直入如來地何藉於他力乎答曰佛世文殊普賢滅後馬鳴龍樹此土智者智覺皆發願往生應盡是鈍根乎釋迦於大寶積經勸父王淨飯并六萬釋種皆生淨土應盡是凡器乎此等聖賢應皆不逮今之利根勝器乎況若以此爲權將

何爲實權實之判非止一途自非教眼瞭焉何以甄別咨爾有識當信佛言招報非輕切勿容易昔孫莘老學士始以此疑之因會楊次公主客王敏仲侍郎論道契合遂擇其疑次公敏仲皆儒之學禪者方且汲汲以淨土爲歸依則知淨土非聖人之權設真禪侶之棲止也

辨明五惑

長蘆頤禪師蓮華勝會錄文云初心入道忍力未淳須託淨緣以爲增上何則娑婆國土釋迦已滅彌勒未生極樂世界彌陀世尊現在說法娑婆國土觀音

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

勢至徒仰嘉名極樂世界彼二上人親爲勝友娑婆  
國土諸魔競作惱亂行人極樂世界大光明中決無  
魔事娑婆國土邪聲雜亂六色妖姪極樂世界水鳥  
樹林咸宣妙法正報清淨實無女人狀則修行緣具  
無若西方淺信之人橫生疑謗竊嘗論之此方之人  
無不厭俗舍之喧煩慕蘭若之寂靜故有捨家出家  
則殷勤讚歎而娑婆衆苦何止俗舍之喧煩極樂優  
游豈直蘭若之寂靜知出家爲美而不願往生其惑  
一也萬里辛勤遠求知識發明大事決擇久生而彌  
陀世尊色心業勝願力洪深一演圓音無不明契願

參知識而不欲見佛其惑二也叢林廣衆皆樂棲遲  
少衆道場不欲依附而極樂世界一生補處其數甚  
多諸上善人俱會一處旣欲親近叢林而不慕清淨  
海衆其惑三也此土之人上壽不過百歲而童癡老  
耄疾病相仍昏沉睡眠常居太半菩薩猶昏隔陰聲  
聞尚昧出胎則尺璧寸陰十喪其九而未登不退可  
謂寒心西方之人壽命無量一託蓮苞更無疾苦相  
續無間直至菩提可謂便獲阿惟越致佛階決定可  
期而流轉娑婆促景逃於淨土長年其惑四也若乃  
位居不退果證無生在欲無欲居塵不塵方能與無

緣慈運同體悲迴入塵勞和光五濁其有淺聞單慧  
或與少善相應便謂永出四流高超十地訢訶淨土  
耽戀娑婆掩目空歸宛狀流浪並肩牛馬接武泥犁  
不知自是何人擬比大權菩薩其惑五也故經云應  
當發願願生彼國則不信諸佛誠言不願往生淨土  
豈不甚迷哉

佛語不虛

康僧會汰師赤烏年間始來建業吳主孫權問大夫  
闕澤曰佛法理趣何如此方儒老之教闕澤曰佛法  
深妙以孔老較之實非比對何謂也孔老設教汰天  
制用不敢違天諸佛設教諸天奉行不敢違佛由是  
言之實非比對明矣蓋孔子所知一方之事耳佛則  
盡十方汰界極虛空邊際微塵刹土其中所有無不  
遍知孔老所言一生之事耳佛則窮過今極未來無  
邊際微塵數劫其中所有無不明了淨土法門是釋  
迦世尊與十方世界恒沙諸佛廣長舌相同音宣示  
安可以凡夫狹劣知見坐井觀天而於如來金口所  
宣真實之語生疑不信也

正信因果

龍舒云欲知前世因今生受者是欲知來世果今生

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

10 12 14 16 18 20 22 24 26 28 30

作者是試以目前觀之人生貧富貴賤壽夭苦樂榮辱禍福種種不同雖曰天命天豈私于人哉以前生所爲不同故今生受報亦不同而天特主之耳亦如世之官府豈以賞罰無故而加於人特以有功當賞有罪當罰而主之耳以其不能純乎善故不得純受其福報乃有富貴而夭折者有貧賤而壽考者其爲果報各隨所爲如影隨形如響應聲絲毫不謬未有種麻而得豆種黍而得稷者但種時少收穫時多作善惡時甚小受禍福之報甚大故云春種一粒粟秋收萬顆子人生爲善惡果報亦如此蓋造化自狀之

理也世間因果若此修出世者因果亦狀安可不信淨土而修之哉

自障自蔽

柏庭法師曰修淨業者常多得其門而徑這者無幾談淨土者常多得其要而直指者或寡矣未聞有以自障自蔽爲說者自障者莫若愛自蔽者莫若疑但使疑愛二心了無障礙則淨土一門未始間隔無爲予十疑論序曰愛不重不生娑婆念不一不生極樂昔遠法師結社廬山以淵明則招之責其能達而斷愛也於靈運則拒之爲其心雜而念不能專也豈非

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

政以一者爲淨土之津要乎

身心虛僞

唐相國裴休曰大衆從無始來常認爲我身者是地水火風假合之身旋聚旋散屬無常法非我身也大衆從無始來常認爲我心者是緣慮客塵虛妄之心乍起乍滅屬無常法非我心也我有真身圓滿空寂者是也我有真心廣大靈知者是也空寂靈知神用自在性含萬德體絕百非如淨月輪圓滿無缺感雲所覆不自覺知妄惑既除真心本淨十方諸佛一切衆生與我此心三無差別此卽菩提心體也捨此不

認而認臭身妄念隨死隨生與禽畜雜類比肩受苦爲丈夫者豈不羞哉

姪殺相因

龍舒淨土文曰飲食男女人之大欲制之若無斯爲聖人節而不縱可爲賢人縱而不節是爲下愚蓋此二者造業之所更相助發蓋飲食充則血氣盛使姪欲多姪欲多則反損血氣又賴飲食以滋補若俱能省減此乃安身延年之道也慈覺師云飲食於人日月長精龕隨分塞飢瘡纔過二十成何物不用將心細較量務實野夫云皮包骨肉并膿血强作嬌嬈誑

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

惑人千古英雄皆坐此百年同作一坑塵果戒得此事在世何由有疾病夭折身後何由有地獄鬼畜若決欲求生淨土當謹護於此

臨終業相

宗鏡錄引華嚴經云譬如有人將欲命終見隨其業所受報相行惡業者見於地獄畜生餓鬼所有一切衆苦境界或見獄卒手持兵仗或瞋或罵囚執將公亦聞號叫悲歎之聲或見灰河鑊湯刀山劍樹種種逼迫受諸苦惱作善業者卽見一切諸天宮殿無量天衆天諸緣女種種衣服具足莊嚴宮殿園林盡皆

妙好身雖未死境已現前境不現前生心妄見苦樂之境本無從出善惡之事唯自召來未了一心難逃六趣

不求勝進

靈芝觀經疏曰有人發願願未得道前所生之處值佛聞汰童真出家今謂若生淨土則任運值佛爲僧只由不知淨土故有此願禪講宗師率多此見嘗試語曰汝今已得男子爲僧只合便求出離何乃復求男子再願出家略無勝進乎

善人會集

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

撰述

極樂世界淨業所成蓮華化生受用自在衆生生者  
 與諸上善人俱會一處於無上菩提得不退轉金口  
 所宣真實之語也且以一方言之蓋有名山勝地幽  
 居靜室不聞惡聲善人會集而講道不絕者矣亦有  
 閭閻市井凶徒惡黨群居終日酣酒嗜姦而無惡不  
 爲者矣爲學之士固當去惡從善親賢人遠小人乃  
 可入於聖賢之域故曰與善人居如入芝蘭之室久  
 而不聞其香則與之俱化諸大乘經勸讚往生親近  
 聖賢速登不退其可不信佛所說而修之哉

覺悟前非

靈芝照律師初發誓願常在娑婆濁世拔濟衆生復  
 見高僧傳慧布法師云方土雖淨非吾所願若使十  
 二劫蓮華中受樂何如三塗苦處救衆生也由是堅  
 执所見於淨土法門略無信向見修淨業者復生輕  
 謗後遭重病色力尪羸神識茫然莫如趣向既而病  
 差頓覺前非悲泣感傷淡白痛責志雖洪大力未堪  
 任仍閱天台十疑論初心菩薩未得無生法忍要須  
 常不離佛又引智度論云具縛凡夫有大悲心願生  
 惡世救苦衆生無有是處譬如嬰兒不得離母又如  
 弱羽祇可纏枝自是盡棄平生所學專尋淨土教門

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

撰述

二十餘年未嘗暫捨研詳理教彼括古今頓釋群疑  
愈加深信

十種障難

群疑論云世間有十種人臨終不得念佛一者善友  
未必相遇故無勤念之理二者業苦纏身不遑念佛  
三者偏屈失語不能稱佛四者狂亂失心注想難成  
五者或遭水火不暇至誠六者遭遇豺狼無復善友  
七者臨終惡念壞彼信心八者飽食過度昏迷致死  
九者軍陣鬪戰奄忽而亡者忽墜高崖傷懷性命  
此十種人臨終斷狀不得念佛應須預修令淨業成

就縱有難緣必蒙佛教護也

疑城退障

大本無量壽經佛告慈氏若有衆生以疑惑心修諸  
功德不了佛智然猶信罪福修習善本願生彼國此  
諸衆生生彼宮殿壽五百歲常不見佛不聞法不見  
僧是故於彼謂之胎生於七寶城中如忉利天五百  
歲竟然始得至阿彌陀佛所其人聞經心不開解以  
前世求道中悔狐疑暫信暫不信故當知生疑惑者  
爲失大利菩薩處胎經中名懈慢國卽疑城是也天  
台觀經疏釋曰觀云教令正觀爲除疑心妙宗引大

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

本云不了佛智則生疑惑今以三觀觀十六境了達  
佛智不生疑惑中下品人依此回向懺悔業障既有  
乘種生至彼國速見三寶不生邊地及胎宮也楊次  
公曰一念既信已投種於寶池衆善相資定化生於  
金地無輒悔墮誤認疑城卽時蓮開得解脫道唯心  
淨土自性彌陀大光明中決無魔事

### 十念往生

十疑論問云衆生業重云何十念卽得往生答臨終  
值遇善友皆是宿世善根若無宿因尚不能值善知  
識何由十念成就若以無始惡業爲重臨終十念爲  
輕者今以二種較量不在時節多少一者在心造惡  
之時從虛妄顛倒生念佛者從善知識聞阿彌陀佛  
真實功德名號生一虛一實豈得相比譬如萬年暗  
室日光普至豈以久來積暗而不滅也二者在緣造  
罪之時從癡暗心緣虛妄境界生念佛之心從聞佛  
功德名號緣無上菩提心生一真一偽豈得相比譬  
如有人被毒箭中箭深毒慘傷肌破骨一聞滅除藥  
鼓卽箭出毒除豈以箭深毒慘而不出耶三者在決  
定造罪之時以有間有後心念佛之時以無間無後  
心遂卽捨命善心猛利是以卽生譬如十圍大索千

夫不制童子揮劔須臾兩分又如千年積柴以一豆火少時焚盡如人一生修十善業應得生天臨終起一念決定邪見卽墮阿鼻地獄惡業虛妄以猛利故尚能排一生善業令墮惡道豈況臨終猛心念佛真實無間善業而不能排無始惡業得生淨土耶

• 少善不生

孤山法師彌陀西資鈔曰觀世人爲善心輕爲惡心重何以得生淨土請以現事驗之對佛像則不如接大賓之恭謹學經法則不如求財利之勤劬毀他則氣龐言滑讚彼則氣緩語澁或以我惡之則覆善揚

惡我好之則掩短美長或爲積惡而怒他私說或作微善而恨人不知於惡事則陰費千金亦能鈴口施善人則方營一食便自矜功凡此用心方沉惡趣欲以少善而求生淨土者難乎哉

• 一乘不生

十六觀經中輩三品持戒行善發願往生證聲聞果小爾陀經云彼佛有無量無邊聲聞弟子皆阿羅漢然則天親論說一乘不生何耶當知此等機緣本有大乘種性退大住小以重聞大法故宿種今熟發願往生權證小果當知極樂淨境靈禽演法非罪報所

9 10 1 2 3 4 5 6 7 8 9 20 1 2 3 4 5 6 7 8 9 30 1

生雖有天魔皆護佛汰然則雖證一乘豈復執小道耶妙宗云論就本始住小時說是故不生經就現今向大時說是以得生回心故得生慣習故證小知大證小不執偏真而爲究竟不久證大也

## 辨明聖號

梵語捺謨此云歸命梵語阿彌陀此云無量壽亦云無量光多含不翻也梵語佛陀此云覺者謂究竟真覺也小彌陀經一日至七日執持名號觀經滅八十億劫生死之罪皆謂此六字聖號也佛號至簡功德無量令五濁凡夫登不退地所謂一切世間難信之

汰也世俗相傳釋迦在世日行化至一俗舍見翁媼二人以穀一斗記數念佛佛教念二十六萬億一十一萬九千五百同名同號阿彌陀佛較之斗穀數逾億萬寶王論王古決疑集龍舒淨土文皆載此說勸人持念然既是佛說必出於大藏經論旣無所出不可遵行云云釋曰按此集中行法門有謂經

## 十一如來

無量壽經佛告阿難無量壽佛光明最勝諸佛光明所不能及故無量壽佛亦號無量光佛無邊光佛無礙光佛乃至云超日月光佛凡十二名皆彌陀一佛

之別號也。又楞嚴勢至圓通云：我憶往昔恒河沙劫有佛出世，名無量光十二如來相繼一劫。其最後佛名超日月光。彼佛教我念佛三昧。云云此言恒沙劫前有十二佛於一劫中次第出興。但前後二佛其名偶與大本相同耳。而或者便以大本十二佛名爲勢至所值之佛謬矣。雖理體無別而事相不同。旣云相繼一劫。則古佛久已滅度。豈可濫同現在說法之佛耶？不原經意。不分今昔。異同何摸棟之甚哉！

像卽真身

或問芝照律師曰：經云諸佛如來是法界身。入一切

衆生心想中。今刻木爲像。世物所成用。此爲佛不知其可也。對曰：佛身無相。亦不離相。以其無相故。世間無有一法。而是佛者。雖八萬四千三十二相。亦卽非相。況他物乎？故曰離一切相。卽名諸佛。以其不離相。故世間無有一法。而非佛者。况相好乎？故曰當知一切諸法。卽是佛法。如能達此相。卽非相。非相。卽相。則山河國土草木微塵。四生六道。羃飛蠕動。無非諸佛浹身之體。而况範金合土。刻木繪塑。莊嚴相好。而獨非佛乎？諸有智者。當觀此像。材木灰布膠漆。金彩假彼衆緣。和合而成。求於衆緣。皆世間之物。

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

各有名體孰爲佛乎然緣無定相物無定名旣號爲佛一切衆緣莫非佛體豈可捨此而別求佛乎故華嚴經云色相非是佛音聲亦復狀亦不離色聲見佛神通力若此觀之不住於相亦不離相理事一如真俗不二雖復對像是真見佛聖像記

○齊房設像

凡人平居坐臥處不可安佛菩薩像取亵瀆之罪竹菴觀汰師見學者齊房設像卽諒之曰汝輩起居無禮說無益語少持燃香之敬不補終日媠慢之罪大通本禪師見佛菩薩行立之像則不敢坐齊饌以魚

肉爲名者則不食其真誠敬事防心離過若此清規中誠常人非禮拜上供添香換水無故不得入殿堂恐怠慢損福獲罪故也若爲臨終人病苦逼迫之際設像念佛增其正念資助往生者不在此限

●頓漸二修

大集經言菩薩有二種行緣空真人名爲慧行帶事兼修名爲行行達磨大師入道理行一日理入二日行人依金剛三昧經立或謂直入者爲頓兼修者爲漸未必狀也當知佛法中所謂頓漸者實在乎能修之人悟解之親疎耳達修無修名無作行非謂不修

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

摸述

也又復直入者根熟故兼修者常道也如華嚴經說塵刹修行豈皆爲漸也入道四行中三四無所求行執理者觀之無汰可求可謂至矣然對破有求耳經云無所求中吾欲求之華嚴云當起勝希望志求無上覺豈可定執無求爲究竟耶故第四稱汰之行引淨明經云汰無衆生離衆生垢故汰無有我離我垢故智者若能了達此理則當稱汰而行汰體無慳於身命財行檀捨施心無慳惜達解三空不倚不著此爲自行復能利它亦能莊嚴菩提之道檀施旣爾餘五亦然爲除妄想修行六度而無所行正所謂以無

住相修行六度孰謂頓悟自心而不加脩證乎

以理奪事

六祖壇經說韶州人問修西方汰六祖云自心有西方何處覓西方東方人造罪作業求生西方若西方人造罪作業求生何處但能悟性何所不可又誌公云智者知心是佛愚人願往西方二師所言皆以理奪事亦應病之藥也若隨語生解則執藥成病矣若直就理說則一汰不可得有何淨土可生不獨無淨土而自心亦不可得此不可得亦不可得若狀者則所謂自心有西方與知心是佛者皆成疣贅矣狀理

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

是卽事之理空是卽有之空正當掃蕩處何妨建立  
諸法而念佛往生也以事卽理故念而無念生而無  
生方在活路上行不執歎語後人不會此意一向隨  
語生解毀謗修淨業人如人乘船涉海却勸陸行不  
副來機只增惑亂永嘉云棄有著空病亦狀還如避  
溺而投火不其然哉

#### 四種清執

道非內外不離內外道絕自他不礙自他以萬法同  
一體故一不定一何妨萬殊若了斯旨則一明一切  
明萬法皆我自性無所往而不可若以有佛可念爲

著相者則無佛可念著相尤甚試以四句言之則有  
佛無佛亦有亦無非有非無成四種執隨執一種皆  
邪見也若於四種融通無礙隨觀一種皆成三昧矣  
舉一例諸可以意得佛以廣大願力令初心凡夫一  
生彼國永無退轉而不肯往生甘受沉淪正所謂餓  
糲邊餓殺殃漢也達磨云心如牆壁乃可入道爲破  
妄情分別亦應病之藥耳若直欲無心則執藥成病  
矣善星比丘能說十二部經獲四禪果因狎邪友妄  
言無佛無法無有涅槃故生陷地獄皆由妄執法空  
撥無因果招此劇報今人不遵佛說執邪見爲大乘

9 10 1 2 3 4 5 6 7 8 9 20 1 2 3 4 5 6 7 8 9 30 1

謗念佛爲小乘正是非法說法說非法無間重罪其可免乎

妄善是談空得失

經云諸佛說空法爲度著有者而復著於空諸佛所不度一大藏教應病之藥善用藥者病無不差不善用者醍醐上味翻成酙毒菩提達磨不立文字單提直指謂之教外別傳六祖云只此不立兩字亦是文字道箇直指早是曲了也古人爲學者解粘太縛遣疑破執其功莫大須知此道不可以有心求不可以無心得不可以語言造不可以寂默通直得迥無依

倚超出聖凡情量亦不依止迥無依倚超出聖凡情量處方名出格道人後世學者橫計邪執不明祖意將古人言語都作實會將謂實有一法爲教外別傳直要掃除文字認著箇不存一法爲究竟一向在水裡作活計向他道將此掃除亦復掃除則茫然不知吁可憐也殊不知斷三界妄想滅五陰色身無一毫髮可當情乃三藏小乘見解若會得轉身一路自然浹浹融通不妨在活路上行依佛聖教發願往生參禮彌陀親近善友速登不退廣度衆生校之執偏空之見甘受輪迴不求出離者霄壤不同矣

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

## 反經非聖

古人道修證卽不無染污卽不得如金剛般若一經言無住相布施豈以不修布施爲無住相耶特以能修之心契合般若真空之理終日行施而離一切相爲破著故直言離相盡理言之亦不著於離相故曰於著不著俱無所著以稱性修行離凡夫二乘著空著有等見故云無住相耳凡菩薩修行六度萬行莫不皆狀豈以曠狀無修狀後爲不住相也今往生淨土一門卽菩薩萬行中游歷十方承事諸佛之一法耳以稱性修行故了一切法皆是無相無相亦無夫

如是則於淨土豈礙往生於彌陀何妨親近乘佛願力速證無生若定執無生無見爲達理者則憶一乘外道著空偏見於佛聖教公然違背反經非聖罪莫大矣

## • 失於遲暮

衆生顛倒耽著五欲不求出離未有能發決定心願生極樂世界者至於冤憎會遇恩愛別離老病死相危險逼迫顛沉痛毒不可堪忍然後悲涕號呼歸依佛寶以冀脫歿又富貴之人常於佛事不暇修習而有暇者失於不能能信者又患於不能斷疑至於困

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

苦而發心者多失於遲暮故知生正信發正念而修善緣者豈易事哉

爲小失大

龍舒居士云今有貿易者一錢而得兩錢之息行路者一日而及兩日之程則心自喜反是則必憂之是爲外物小有得失而憂喜也以吾之光陰有限汨沒過時其失大矣而不以爲憂以淨土之緣難遇幸而知之其得大矣而不以爲喜徒見其失之小者而憂喜而得失之大者則不能知何不思之甚也

不修十失

佛示徑路修行之法令一切衆生速超生死而障重之人不可進修者有十種失一不信佛言二不遵聖教三不信因果四不重己靈五不求升進六不親善友七不求解脫八甘受輪迴九不畏惡道十甘同魔類反是而修之者則得十種勝利

永無魔事

禪師念佛正信決云或謂臨終見佛放光接引並是魔境此說如何答首楞嚴經修習三昧或發動陰魔摩訶衍論及止觀等修習三昧發動外魔此等並是約自力修禪之人先有魔種被定擊發黨能明達

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

對治則成聖汰若任性無知則被障礙矣今所修念佛三昧者託彼佛力如近帝王誰敢干犯蓋彌陀有大慈悲誓願威神三昧等力有大摧邪力有大降魔力天眼遠見天耳遙聞他心徹鑑光明遍照攝取眾生有如是等功德之力豈不能護持念佛之人臨終令無障礙耶且金臺來迎等事出自觀經金口所說若認爲魔亦無知之甚矣

般舟三力

圓通梵法師會宗集引般舟三昧經言念佛往生有三種力一者本有佛性力言煩惱心中有如來藏也

二者慈光攝取力言彌陀光明無量念佛衆生攝取不捨也三者念佛三昧力言憶念佛念佛現前當來必定見佛也此三種力如三股繩合爲大索能牽重物又如水火鏡子若將對日以艾取之即可得火若將對月以珠取之即可得水今以鏡具水火之性喻衆生本具佛性之力也須假日月之光來照者彌陀慈光攝取之力也以珠丈能引水火者信心念佛之力也此三種物缺一不可三事和合水火方生三力相資必生淨土

師子筋弦

唐道綽汰師安樂集云何因緣故一念佛力能滅諸障耶答經云譬如有人用師子筋以爲琴弦其弦一切餘弦一時俱斷若人於菩提心中修念佛三昧諸煩惱根皆悉斷滅亦如有人取牛羊驢馬諸乳置一器中以師子乳一滴投之一切諸乳悉化爲水若人於菩提心中修念佛三昧一切惡魔諸障直過無難

舟石不沉

那先經說昔有國王問沙門那先言衆生業重云何念佛卽得往生那先言譬如有人以大石塊其數千

百欲渡大海以船力故卽達彼岸衆生之罪猶如巨石彌陀願力如彼大船石本易沉因船可渡橫截生死苦海全憑已佛願王一切時中以爲良導直登彼岸不越自心故俱舍頌云愚作罪小亦墮惡智爲罪大亦脫苦如搏鐵小亦沉水爲鉢鐵大亦能浮

舉念卽生

十疑論問云西方今此十萬億刹凡夫劣弱云何可到答西方十萬億刹爲對凡夫肉眼生歟心量說耳但使衆生淨業成者臨終在定之心卽是淨土受生之心動念卽是生淨土時故經云阿彌陀佛去此不

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

遠業力不思議故一念卽生不須愁遠又如人夢身雖在床而心意識徧至他方如平生不異淨土亦狀動念卽生不須疑也

如鏡現像

龍舒居士曰十方世界衆生念佛淨土寶池乃生蓮華一朵標其名字或者疑之予曉之曰如淨明鏡物來斯現鏡何容心哉以其明而自狀耳故曰善心纔發上天之寶殿先成惡念始萌下地之火城已具夫如是則修淨業者華萼題名以俟其往生何足怪哉或曰持往生咒者阿彌陀佛常在其頂修淨業人臨

終之際佛及菩薩皆來迎接衆生無量又安能皆住其頂皆往迎接耶予曰一月普現一切水一日普照無量世界唯濁水不現覆益不照耳無量壽佛光明普照十方世界念佛衆生攝取不捨世有不願往生者其猶濁水覆益獨不蒙光豈日月之咎哉

願力強牽

四明尊者修懺要旨云堪忍之界不常值佛多諸惡緣深位尚乃有退若彼安養之土常得見佛唯有勝緣初心卽得不退又彼佛願力普攝有情若能願求定得生彼况遇現積集善惡業緣每至終身咸來責

報臨終惡念增盛則衆惡成功牽生惡道臨終善念增盛則衆善皆成牽生善道今既求生安養必須淨業莊嚴若無願力強牽焉克臨終正念故誠心發願決志要期既欲往生宜在專切

求佛加護

照律師云或問觀經云是心作佛是心是佛心既是佛何須念他佛耶答祇由心本是佛故令專念彼佛梵網戒云常須自知我是未成之佛諸佛是已成之佛汝心佛者未成佛也彌陀佛者已成佛也未成佛者久沉欲海具足煩惱杳無出期已成佛者久證苦

提具足威神能爲物護是故諸佛勸令念佛卽是以我未成之佛求他已成之佛而爲救護耳是故衆生若不念佛聖凡永隔父子乖離長處輪迴公佛遠矣斥謬門第八

凡夫迷倒不了佛智全佛境爲魔界我見爲本執斷執常六十二見百八煩惱無所往而非魔矣舉心動念魔所爲也息心除妄魔所爲也經曰末世衆生說病爲法雖勤精進增益諸病今欲剪覺路之荆榛闢異端之邪說此斥謬之篇所由作也猶國家之發號施令懲善誠惡刑期無刑豈得而已

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

哉

背宗失旨

天台智者大師觀經疏以一心三觀釋觀字以一體三身釋無量壽乃云舉正收依述主包裹觀雖十六言佛便周則十六境皆圓妙三諦也錢塘孤山圓法師以其師奉先清公遺文述刊正記以釋之背宗失百以十六觀皆爲事想不須三觀四明尊者忍俊不禁初作融心解後述妙宗鈔以救當時之弊妙得佛祖之心其說大行其後神智義師假名湛師背其師說復有著述至于桐江瑛法師立論以摩訶止觀爲

無生觀十六觀門爲有生觀雖宗天台不得祖意公爲異說淺鄙可笑孤山則執理觀爲事想桐江則局聖解爲凡情學佛法者可不審哉

謬執偏空

淨覺法師曰世或有引大珠和尚云捨垢取淨是生死業龐居士云若捨煩惱入菩提不知何方有佛地皆是遺著之語不可執此以非淨土且不垢不淨之言卽心卽佛之義凡稟釋教者孰不知之安以真如平等之談便廢因緣脩證之法六住大士尚存分段之生四果真人亦有變易之法云何殂落永謂泥洹

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

須知菩薩未證妙覺已還常以空心徧修萬行終日觀佛無佛可觀歷劫度生無生可度暫趣於空華淨土權依於幻化彌陀破昨夢之塵勞入乾城之地位乃至成佛雖自行冥寂而利他宛狀故喻之以明鑑之身現之以隨類之像世人勿詢大義唯忻頓悟直入無生而不思永嘉云若實無生無不生既豁達而取空恐莽蕩而招禍此類乎越中習射不踰數步之間龍西學游翻沒洞波之內如斯知識未可叅尋

### 疑深障重

無爲楊次公曰世有善士發三種不信心不求生者

尤可嗟惜一曰吾當超佛越祖淨土不足生也二曰處處皆淨土西方不必生也三曰極樂聖域我輩凡夫不能生也夫行海無盡普賢願見彌陀佛國雖空維摩常修淨土十方如來有廣舌之讚十方菩薩有同往之心試自忖量孰與諸聖謂不足生者何其自欺哉至如龍猛祖師也楞伽經有預記之文天親教宗也無量論有求生之偈慈恩通讚首稱十勝智者析理明辨十疑彼皆上哲精進往生謂不必生者何其自慢哉火車可滅舟石不沉現華報者莫甚於張道十念而超勝處入地獄者莫速於雄俊再甦而證

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

妙因世人愆尤未必若此謂不能生者何其自棄哉  
自欺自慢自棄已靈流入輪迴是誰之咎

誑妄說法

汾州大達無業國師云如今天下解禪解道如河沙  
數說佛說心有百千萬億纖塵不盡未免輪迴絲念  
不忘盡從淪墮如斯之類尚不能自識業果妄言自  
利利他自謂上流並他先德但言觸目無非佛事舉  
足盡是道場原其所習不如一箇五戒十善凡夫觀  
其發言嫌他一乘十地菩薩且醍醐一味爲世所珍  
遇斯等人翻成毒藥假使才並馬鳴解齊龍樹只是

一生兩生不失人身臨終之時一毫聖凡情量不盡  
纖塵思念未忘隨念受生輕重五陰向驢胎馬腹裏  
托質鑊湯爐炭裏燒煮從前記持憶想見解一時失  
卻依舊再爲蠻蟻從頭又作蚊虻雖是善因而招惡  
果○永明智覺禪師云深嗟末世誑說一禪只學虛  
頭全無實解步步行有口口談空自不責業力所牽  
更教人撥無因果便說飲酒食肉不礙菩提行盜行  
姪無妨般若生遭王法死陷阿鼻受得地獄業消又  
入畜生餓鬼百千萬劫無解脫期除非一念回光立  
卽翻邪爲正若不自懺自悔自度自修諸佛出來也

無救你處

未得謂得

圓悟禪師云有一等人道本來無一星事但只遇茶  
喫茶遇飯喫飯此是大妄語謂之未得謂得未證謂  
證見人說心說性說玄說妙便道只是狂言本來無  
事可謂一盲引衆盲打在無事界裡佛也不禮香也  
不燒似則也似爭奈脫體不是纔問著卻似極則相  
似纔授著七華八裂坐在空腹高心處及到臘月三  
十日換手搥胸已是遲了也

胎息邪論

圓悟禪師云嗟見一流拍盲野狐種族自不會夢見  
祖師卻妄傳達磨以胎息傳人謂之傳法救迷情引  
從上年高宗師安國師趙州之類皆行此氣及誇達  
磨隻履普化空棺皆是此術有驗遂至渾身脫去謂  
之形神俱妙除夜望影喚主人公以卜日月聽樓鼓  
驗玉池覘眼光以爲脫生死汰真証跡間閭捏爲造  
訛貽高人嗤鄙說趙州十二時歌龐居士轉河車頌  
遙互指授密行傳持以圖長年及全身脫去豪傑俊  
穎之士高談大辨下視祖師者往往信之畫虎成狸  
遭有識者覲破海內學此者如稻麻竹葦其高識遠

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

見自不因循恐乍發心未入闇奧遇增上慢人導入此邪見林中末上一錯永沒回轉其流浸廣莫知能遏因出此顯言庶有志願於大解脫門可以辨之同入無生薩婆若海

### 默照邪禪

真淨文禪師云今時有一般漢執箇平常心是道以爲極則天是天地是地山是山水是水僧是僧俗是俗大盡三十日小盡二十九並是依草附木不知不覺一向逃將去○妙喜云東林照覺以平常無事不立知見解會爲道更不求妙悟卻將諸佛諸祖見性道種性邪師過謬非衆生咎豈虛語耶

法門爲建立誣調先聖聾瞽後昆眼裡無筋皮下無血之流隨例顛倒恬不知覺真可憐憫圓覺經云末世衆生雖求善友遇邪見者未得正悟是則名爲外道種性邪師過謬非衆生咎豈虛語耶

### 長生秘訣

龍舒居士曰楞嚴經說有十類僊壽千萬歲休止深山數盡復入輪回爲不了真性與六道衆生同名七趣世之學仙者萬不得一縱使得之不免輪回爲著於形神不能捨去故也且形神者乃真性中所現之妄想皆非真實近數百年來得仙者唯鍾離呂公而

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

學鍾呂者奚止千萬自余親知間數亦不少率皆久  
亡埋於下土未見一人白日飛升者欲求長生莫如  
淨土不知修此而學神仙是捨目前之美玉而求不  
可得之砾石豈不惑哉唐香山居士贈王山人詩曰  
聞君減寢食日聽神仙說暗待非常人潛求長生訣  
言長本對短未離生死轍假使得長生才能勝夭折  
松樹千年朽槿華一日歇畢竟同虛空何須誇歲月  
彭殤徒自異生死終無別不如學無生無生卽無滅

## 撥無因果

圓頓行人語默動靜皆遵聖教盡合佛心若以念佛

生心動念成妄想者則息心無念亦成妄想首楞嚴  
經云縱滅一切見聞覺知內守幽閑猶爲法塵分別  
影事若以念佛著有爲患則執空之人其患尤甚永  
嘉云豁達空撥因果漭漭蕩蕩招殃禍棄有著空病  
亦然還如避溺而投火若以外求他佛爲未達則內  
執已心不達尤甚長沙云學道之人不識真只爲從  
來認識神無量劫來生死本癡人喚作本來人若以  
別求淨土爲偏見則執目前爲淨土者其失尤甚楞  
嚴經說落魔道者都指現前卽爲佛國無別淨居及  
金色相口中好言眼耳鼻舌皆爲淨土男女二根卽

是菩提弟子與師俱陷王難迷惑無知墮無間獄若以執有修證爲權說者執無修證墮落外道其禍尤甚楞嚴云其人初不覺知魔著亦言自得無上涅槃謂二僧祇一念能越心中尚輕十方如來何況下位聲聞緣覺不禮塔廟摧毀經像謂言此是金銅土木肉身真常不自恭敬卻崇土木實爲顛倒其深信者從其毀碎埋棄地中疑悞衆生墮無間獄佛言諱諱可不信乎

白甘塗炭

大智律師曰世之學佛者其始莫不皆曰爲生死事

大及乎聲利所動世緣所汨則生死大事置而弗論或爲人扣擊則他辭託跋不能自決或云此不須問或云不必用知或云符到奉行莫作計較或云隨處受生出入自在或云且生不高不下之家復男子身或云把定精神見善惡相不得隨去或令預候知時或教臨終奪陰或云百骸潰散一物長靈或云形散氣消歸於寂滅如是種種臆度矯亂皆不出凡夫外道斷常一見逮乎四大解分病苦所迫識神無主隨業輪迴決無疑矣假令定日剋時坐脫立化世德可致未足爲奇斯由不見十六觀經不知九品生相不

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

信彌陀願力而堅持所見自甘塗炭豈不爲之悲哉指廣門第九

徑路脩行之法其要在於執持名號卽得往生奚俟多言哉若夫旨趣之微妙觀道之精深非文藉之廣說不之詳無由顯也故群經之偏讚衆聖之發揮其書之廣汗牛充棟非夫博則莫知其要也今自博而約錄一二之目俾學者討尋得旨而修焉儒曰博學而詳說之將以反說約也其斯之謂歟

法華授記

妙法蓮華經藥王菩薩本事品云若如來滅後後五百歲中若有女人聞是經典如說脩行於此命終卽往安樂世界阿彌陀佛大菩薩衆圍繞住處生蓮華中寶座之上不復爲貪欲所惱亦復不爲瞋恚愚癡所惱亦復不爲憍慢嫉妒所惱得菩薩神通無生法忍

妙樂云聞是經典如說脩行卽淨土因不須更指觀經等也依經立行具如分別功德品直觀此土四土真足故此佛身卽三佛身此大衆卽一切衆以惑未斷故安樂行是同居淨土行之氣分也○四明融心

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

解云惑未斷則同居淨觀行三諦也見思盡則方便淨相似三諦也無明破則實報淨分證三諦也無明盡則寂光淨究竟三諦也修一心三觀求生淨土即以三惑爲穢土之因三諦爲淨土之果也

### 華嚴結歸

華嚴末會普賢菩薩教善財童子發十大願乃云於此大願受持讀誦是人臨命終時一切諸根悉皆散壞一切親屬悉皆捨離一切威勢悉皆退失唯此願王不相捨離於一切時引導其前一剎那中卽得往生極樂世界到已卽見阿彌陀佛生蓮華中蒙佛授記普於十方世界以智慧力隨衆生心而爲利益不久當坐菩提道場降伏魔軍成等正覺能於煩惱大苦海中拔濟衆生令其出離皆得往生阿彌陀佛極樂世界○清涼國師貞元疏問曰不求生華藏而生極樂者何耶答有四意一者有緣故彌陀願重偏接娑婆人也二者使衆生歸憑情一故若聞十方皆妙初心茫然無不依託故方便引之三者不離華藏故極樂本此十萬億刹華藏佛刹皆微塵數故不離也四者卽本師故經云或有見佛無量壽觀自在等所圍繞疏云讚本尊遮那之德也華藏刹海皆遮那境

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

十萬億刹未出刹種之 壇非本師隨名異化也

般若念佛

摩訶般若經云菩薩摩訶薩念佛不以色念不以受想行識念以諸法自性空故不應以三十二相八十隨形好念不應以戒定慧解脫解脫知見而念不以十力四無所畏四無礙智十八不共法而念何以故是諸法自性空故自性空則無所念無所念故是爲念佛菩薩行般若波羅密時應念佛能具足四念處乃至一切種智諸法性無所有故菩薩知諸法無所有是中無有性無無性○大般若經云菩薩摩訶薩

有方便善巧故不隨靜慮無量無色勢力而生但生有佛世界值遇諸佛供養恭敬尊重讚歎常與般若波羅蜜多相應當知是菩薩摩訶薩此賢劫中定得無上正等菩提

仁王觀佛

仁王般若經云佛問波斯匿王汝以何相而觀如來王言觀身實相觀佛亦然無前際中際後際不住三際不離三際不住五蘊不離五蘊不住四大不離四大不住六處不離六處不住三界不離三界乃至非見聞覺知心行處滅言語道斷同真際等法性我以

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

撰述

清江指掌錄

此相觀如來身佛言應如是觀若他觀者名爲邪觀  
 ○佛所言有爲破衆生執空之見於空有叵得處方  
 便建立謂之妙有佛所言空爲破衆生執有之見於  
 空有無礙處蕩除其執謂之真空空之與有其體本  
 一而不妨各異以無礙故無可不可謂之空所以破  
 除情執洗蕩法塵謂之之所以表顯法門建立功用  
 亦如人身或動或靜或語或默任運而然何所往而  
 不可哉若定執一偏則落外道邪見非佛法矣

寶積十心

天寶積經彌勒白佛言如佛所說阿彌陀佛極樂世

界若有衆生發十種心專向於佛是人命終當得往  
 生何等名爲十種心耶佛告彌勒如是十心非諸凡  
 愚不善丈夫具煩惱者之所能發何等爲十一者於  
 諸衆生起於大慈無損害心二者於諸衆生起於大  
 慈無逼惱心三者於佛正法不惜身命樂守護心四  
 者於一切法發生勝忍無執著心五者不貪利養恭  
 敬尊重淨意樂心六者求佛種智於一切時無忘失  
 心七者於諸衆生尊重恭敬無下劣心八者不著世  
 論於菩提分生決定心九者種諸善根無有雜染清  
 淨之心十者於諸如來捨離諸相起隨念心是名菩

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

薩發十種心若人於此十心隨成一心樂欲往生彼佛世界若不生者無有是處

情想升沉

首楞嚴經云佛告阿難一切世間生歟相續生從順習死從變流臨命終時未捨煥觸一生善惡俱時頓現純想卽飛必生天上若飛心中兼福兼慧及與淨願自然心開見十方佛一切淨土隨願往生情少想多輕舉非遠卽爲飛仙情想均等不飛不墜生於人間想明斯聰情幽斯鈍情多想少流入橫生重爲毛群輕爲羽族七情三想沉下水輪生於火際受氣猛

火身爲餓鬼常被焚燒水能害已無食無飲經百刦九情一想下洞火輪輕生有間重生無間二種地獄純情卽沉入阿鼻獄若沉心中有謗大乘毀佛禁戒詐妄說法虛貪信施濫膺恭敬五逆十重更生十方阿鼻地獄

起信結歸

馬鳴菩薩宗百洛叉經造大乘起信論爲入道之要門其末曰復次衆生初學是法欲求正信其心怯弱以住於此娑婆世界自謂不能常值諸佛懼謂信心雖可成就意欲退者當知如來有勝方便攝護信心

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

謂以專意念佛因緣隨願得生他方佛土常見於佛  
永離惡道如修多羅說若入專念齒方極樂世界阿  
彌陀佛所修善根回向願求生彼世界卽得往生常  
見佛故終無有退若觀彼佛真如法身常勤修習畢  
竟得生住正定故

王以寧待制曰余嘗問道於宏智禪師師令讀起信  
論而未見其本及謫官天台始於隣僧處得之披閱  
再三竊有疑焉是書爲大乘人作破有蕩空一法不  
留之書也而末章以繫念彌陀求生淨土爲言其旨  
何耶晚過雪峰問真歇歇曰實際理地不受一塵萬  
丈

行門中不捨一汰子欲壞世間相棄有著空然後爲  
道耶夫如是則淨土之修於道何損焉予始豁然有  
得於心乃知往生淨土一門真橫截生死之要道也

天親造論

西天祖師婆藪盤特此云天親初學佛法偏執小乘  
後方志慕大法從其兄無著傳慈氏唯識宗旨依無  
量壽經造論一卷爲淨土修法在大藏堂宇函須者  
檢之其略曰若人修行五念門成就者必定得生安  
樂國土見阿彌陀佛一者禮拜門身業禮拜阿彌陀  
佛爲生彼國故二者讚歎門口業讚歎彼佛光明智

相欲如實脩行故二者作願門心常作願一心專念畢竟往生欲如實脩行奢摩他故四者觀察門以智慧觀察欲如實脩行毘鉢舍那故一觀察彼國土莊嚴二觀察彼佛莊嚴三觀察彼諸菩薩莊嚴五者回向門所有功德善根以方便回向攝取衆生不取一切世間故菩薩如是修行五門自利利他速得成就菩提故慈雲依之立往生行法

論釋十疑

天台智者大師說淨土十疑論門人記爲一卷宋初吳山澄或汰師有注本僧統贊寧序冠其首盛行於

世或師科十疑云一無大慈悲疑二諸法無生疑三佛土平等疑四偏念西方疑五具縛厚重重疑六卽得不退疑七不求兜率疑八十念往生疑九十弱人生疑十作何行業疑一一問答明白故楊次公序云輔贊彌陀教觀者其書山積唯智者大師淨土十疑論最爲首冠援引聖言開決群惑萬年暗室日至而頓釋群陰千里水程舟具而不勞自力非汰藏後身不能至於是也

臨終設像

華嚴賢首品偈云又放光明名見佛此光覺悟將歿

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

者令隨憶念見如來命終得生其淨國見有臨終勸念佛又示尊像令瞻敬俾於佛所深歸仰是故得成此光明前四句言菩薩放無量光其間一種名爲見佛放此光明能令命終之人見佛往生後四句言此菩薩因中勸臨終人念佛又令瞻敬佛像故得此光明也大智度論云臨終少時能勝終身修行之力以猛利故義和法師無盡燈載西域祇桓精舍西北角日光沒處置無常院造一立像面向西方執五綵旛安病人在像之後手執旛脚作隨佛往生之想瞻病者燒香散華鳴磬助稱佛名資助病者若有垢穢隨

卽除之決取往生若游心浹界空來無礙者不拘此法

茶毘十念

百丈大智禪師以修禪之人附居律寺剃師徒之分是故建立叢林以清規繩之自是天下始有禪居凡病僧危篤集衆與之念誦其詞曰諸緣未盡早遂輕安大命難逃徑生安養其與亡僧龕前念誦則曰神超淨域業謝塵勞蓮開上品之華佛授一生之記至茶毘時令維那與其十稱西方極樂世界大慈大悲阿彌陀佛大眾同聲應和而又曰上來稱揚十念貲

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

助往生津送住持之法亦然此法載于清規雖叢林老宿道眼明白者無不遵之而行故知合五家之宗派盡天下之禪僧悟與未悟無有一人不生淨土也

古今著述

慈雲云古今諸師歸心淨域者或製疏解經或宗經造論或隨情釋難或伽陀讚揚雖殊途同歸而各陳所見動盈編帙尋究良難今略錄其要者一一

天台智者大師觀無量壽佛經疏一卷

淨土十疑論一卷

懷感法師群疑論七卷

道安和尚往生論六卷

道綽禪師安樂集三卷

慈愍三藏淨土慈悲集二卷

源信禪師淨土集二卷

慈恩法師彌陀經通贊一卷

清涼國師觀經疏一卷

永明智覺禪師萬善同歸集三卷

四明尊者妙宗鈔三卷

融心解一卷

慈雲懺主往生淨土懺願儀一卷

決疑行願一門一卷

淨土畧傳一卷

草堂飛錫法師念佛三昧寶王論二卷

孤山法師觀經疏刊正記四卷

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

西資鈔一卷

彌陀經疏一卷

淨覺法師彌陀經疏一卷

潞州宗坦法師觀經甘露疏四卷

義淵法師甘露疏記五卷 灵芝大智律師觀經疏

阿彌陀經疏一卷

淨土禮懺儀一卷

圓澄義和法師華嚴無盡燈一卷

侍郎王古直指淨土決疑集三卷

寶珠集

無功居士王闡淨土自信錄

勸脩門第十

衆生在迷生死無際一日獲聞念佛三昧頓超生

死若飛出塗炭而羽翼太虛真渡苦海之慈航起  
沈疴之妙劑者歟夫勸進行者淨業之大利他之  
行菩薩所修有志之士能以此道轉相勸勉勤修  
不怠則屈伸臂頸轉穢濁爲清泰之都勸修之功  
豈小補哉

慈雲勸修

慈雲懺主云安養淨業捷徑易修諸大乘經皆啓斯  
要十方諸佛無不稱美若比丘四衆善男信女欲得  
速破無明永滅五逆十惡重罪及餘輕過當修此法  
欲得還復清淨大小戒律具足一切諸波羅密門者

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

當學此法欲得臨終離諸怖畏身心安樂喜悅如歸  
光煥室宅異香音樂阿彌陀佛與諸聖衆送紫金臺  
授手迎接五道橫截九品長鷲謝去熱惱安息清涼  
初離塵勞便登不退不歷長劫卽證無生者當學此  
法欲修少法而感妙報十方諸佛俱時稱讚現前授  
記一念供養無央數佛還至本國與彌陀坐食觀音  
議論勢至行步洞視徹聞身量無際飛空自在宿命  
了了徧觀五道如鏡中像念念證入無盡三昧如是  
稱述不可窮盡應當修習此之勝法

校量功德

慈雲懺主云彌陀本願十方衆生欲生我國至心信  
樂乃至十念不果遂者誓不成佛十念信樂尚得往  
生況復一日信樂者况復一月一年一生信樂者耶  
一念滅八十億劫生眾重罪況復十念耶況復一日  
一月一年一生念佛所滅罪耶重罪尚滅況輕罪耶  
又復校量念佛功德比餘善根優劣之相者經云若  
人以四事極好之物供養大千世界滿中阿羅漢辟  
支佛所得福德不如有人合掌一稱佛名百千萬分  
算數譬喻所不能及一稱佛名功德尚爾況復十念  
一日一月一年一生念佛功德耶現世安隱衆聖守

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

護離諸災厄功德無量

妙觀功深

四明尊者云寄語行者觀雖深妙本被初心若能進  
功何憂不就縱未入品爲因亦強生至彼邦得預大  
會所見依正微妙難思速入聖階度生亦廣永異事  
善及小乘行得往生者如此土人宿圓修者於諸座  
席見相殊常聞法易悟以此類彼功在妙宗但爲戒  
福不精無往生願故在穢土聞法入真須懼娑婆不  
常值佛縱遇善友色心不勝難發我心況塵境龜強  
誠爲險處故須外加事懺內勤理觀正助雙行加願

要制必於寶刹速證無生

永無退轉

楊次公曰不願生淨土則已願生則無不得生不生  
淨土則已生則永無退轉具縛凡夫初憑信願得生  
彼土而三毒邪見未能頓忘何以知其不退轉耶蓋  
以彌陀願力常所攝持大光常照上善人聚壽命永  
劫水鳥樹林風聲樂響演暢妙乘聞其聲者念佛念  
法念僧之心未嘗間斷故也衆生如受病之人佛爲  
醫王法爲良藥僧爲視病人三者現前病不得而萌  
矣以是言之則一生淨土何從而有退轉哉

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

## 高聲念佛

業報差別經云高聲念佛誦經有十種功德一能排  
睡眠二天魔驚怖三聲徧十方四三塗息苦五外聲  
不入六令心不散七勇猛精進八諸佛歡喜九三昧  
現前十往生淨土○慈雲懺主云稱佛名時以心緣  
歷字字分明使心口相繫方能一念滅八十億劫生  
死之罪若不然者滅罪良難若恐心散須高聲疾喚  
心則易定三昧易成故懷感法師決疑論中引大集  
日藏經云小念見小佛大念見大佛論釋曰大念者  
大聲念佛也小念者小聲念佛也此皆聖教有何惑

哉奉勸世人厲聲念佛三昧易成小聲念佛遂多馳  
散學者方知非常人能曉也下品下生臨終十念少  
時猛利諦心決斷勝百年願力今人稱佛多不專精  
散心緩聲遂使現世成功者少臨終感應事稀故特  
示此法勸念佛時一心不亂高聲念佛聲聲相續則  
不久成功也

## 禮佛功德

業報差別經云禮佛一拜從其膝下至金剛際一座  
一轉輪王位獲十種功德一得妙色身二出言人信  
三處衆無畏四佛所護念五具大威儀六衆人親附

9 10 1 2 3 4 5 6 7 8 9 20 1 2 3 4 5 6 7 8 9 30 1

七諸天愛敬八具大福德九命終往生十速證涅槃  
 ○四明尊者云行者禮佛時深知佛體不離我心同  
 一覺源圓照諸法諸佛悟本起同體悲衆生迷真受  
 諸幻苦悲苦相對感應斯成一身遍至諸佛之前一  
 拜普消無邊之罪

現生獲福

龍舒曰或謂求生淨土是身後之事而不知大有益  
 於生前也何則蓋佛之教人無非是善既以求生淨  
 土爲心凡意之所念口之所言身之所爲無適而非  
 善其現世則可爲君子爲大賢人敬之神助之福祿

可增壽命可永其次爲業緣所奪不能專志於此者  
 則惡緣由此而省善緣自此而增矣縱有不知禮義  
 不畏刑罰唯氣力之爲尚唯勢利之爲趨苟知以淨  
 土爲心則亦必省已而自咎其所爲雖不能皆合於  
 禮義亦必近於禮義矣其肯復陷於刑罰乎使人人  
 皆然則漸可以脫小人之域而終爲君子之歸矣鄉  
 人之相知者皆目之爲善人由是言之遵佛教法而  
 以淨土爲心者孰謂無益於生前乎

龍舒曰爲僧學佛者當自念云我爲出家人了達生

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

死乃本分事不能如此遂汨沒俗塵一日大限到來  
有何倚賴平日雖有善業未免隨逐輪迴善業報盡  
又復墮墮不如專修淨土直脫輪迴方是出家事畢  
如永明壽禪師長蘆頤禪師萬年一禪師皆修此道  
又轉以化人豈可不効彼耶若不生淨土未免隨業  
受報如海印信禪師以一念之錯生邪防禦家爲女  
子得圓照本禪師點化乃得脫去知他第二生中又  
復如何舒州太平古老亦名行尊宿也歿後生宰相  
家享富貴造惡業復墮惡道何有出期楞伽經說修  
行之人如澄濁水澄之難清未去濁脚攬之復渾二

老之謂也若生淨土住不退地復來此界度生如剏  
去濁腳雖攬之不復渾矣

富貴學道

龍舒曰富貴人種種如意快樂然光陰迅速幻身難  
保古來貴極誰爲在者不如脩行淨業身後托生勝  
處豈不快哉本朝文潞公在京師與淨嚴禪師結道  
俗十萬人爲淨土會至于王敏仲侍郎楊次公提刑  
馮濟川給事皆以貴人脩行淨業而皆得往生可不  
仰効之哉

讀書曰衆善相資蓋欲事君命而願過本善文思

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

龍舒曰供佛齋僧造塔建寺念誦禮懺孝養父母兄弟  
友弟恭宗族之間無不和穆鄉黨隣里恩禮相與事  
君則赤心爲國爲官則仁慈利民爲長則善以安衆  
爲下則勤以事上或指教愚迷或扶助孤弱或救人  
急難或惠施貧窮或造橋砌井或施食散藥或減己  
奉養以利人或臨財饒人以自省或教人爲善或護  
善止惡但隨所作世出世間一切善事不拘大小多  
少或止以一錢與人或以一水止渴至於毫芒之善  
並須起念云願此善緣回向西方衆善相資必得往  
生也

### 勸修利益

龍舒曰唐人房翥暴亾至冥府冥官語之曰據案簿  
余曾勸一老人念佛已生淨土余承此福亦合生淨  
土翥曰尚擬誦金剛經萬卷并禮五臺故未欲往生  
冥官曰誦經禮拜固爲好事不如且生淨土知其志  
不可奪乃放還人間是知勸人脩淨土者非但獲往  
生又感動幽冥也

### 因循悞事

寂室曰世人欲修淨業不可言我今忙迫且待閑暇  
我今貧乏且待富足我今少壯且待老時若分定常

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

忙分定貧乏分定天折卽於淨業無緣脩習忽尔喪亡雖悔何及奉勸諸人趁身強健努力修之

當思身後

寂室曰世人但知生時將養此身營求資給而不思捨此身後神識不滅若無善因則淪墮苦趣何爲生時愛惜此身死後神識不滅而不思度脫耶又世人專爲妻子眷屬廣營衣食而無少怠而不思命終之時妻子眷屬雖愛徹骨髓不能相救唯當獨往今勸世人不當以養生故而忘畏死不當以爲他故而忘自爲也

預備不虞

龍舒曰如人入城幹事必先覓安下處抵暮昏黑則有投宿之地先覓下處者脩淨業也抵暮昏黑者大限到來也有投宿之地者生蓮華中不落惡趣之謂也又如春月遠行須辨雨具驟雨忽來則無淋漓之患先辨雨具者修淨業也驟雨忽來者無常忽至也無淋漓之患者不落惡趣也且先覓下處不害其幹事先辨雨具不害其遠行修淨土者不妨一切世務人何爲而不修乎

功在純熟

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

龍舒曰孟子謂夫仁者亦在乎熟之而已矣故君子無終食之間違仁造次必於是顛沛必於是能全也則無所往而不爲仁矣脩淨土者亦然凡起居飲食語默動靜皆不忘淨土則此身雖居五濁而其心已在淨土矣爐菴云落日之形似鼓懸加趺端坐面西邊身雖未到華池上先送心歸極樂天正謂此也

十種勝利

慈雲懾主三三界大師萬德慈父歸之者罪滅敬之者福生諸經具說若能歸依三寶受持一佛名者現世當獲十種勝利一者晝夜常得一切諸天大力神

將隱形守護二者常得如觀世音等二十五大菩薩而爲守護三者常爲諸佛晝夜護念阿彌陀佛常放光明攝受此人四者一切惡鬼夜叉羅刹皆不能害毒蛇毒藥悉不能中五者水火冤賊刀箭杻械牢獄橫歟悉皆不受六者先所作罪悉皆消滅所殺冤命皆蒙解脫更無執對七者夜夢吉祥見阿彌陀佛勝妙色像八者心常歡喜顏色光澤氣力充盛所作吉利九者常爲一切世間人民恭敬禮拜猶如敬佛十者命終之時心無怖畏正念現前阿彌陀佛及諸聖衆持金剛臺接引往生極樂世界盡未來際受勝妙

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

## 淨土指歸集卷下

## 指歸直音略訓

錠光

定訂二音  
錠光佛名

提撕

下西音提耳  
之誨曰撕也

攷

梅音玫瑰  
珠也僧名

肇

肇音肇也

聾

聾音聾也

聾

始葉

渠音始葉

舛訛

川上聲錯也

舛

下娥音謬也

舛

童子垂髮

鴟

鴟音鴟也

鴟

鴟音鴟也

鴟

彼音

彼音彼也

沉湎

免音溺也

沉

於酒也

沉

文沉於酒也

沉

也

沉

也

沉

復暢

唱音復暢也

俾

彼音俾也

俾

也

俾

通也

俾

使也

俾

也

俾

小眞

舜音不眞也

眞

巨升切

眞

太子名

眞

河名

眞

遽急猝

遽

遽去聲

遽

藉氣

藉氣含蓄包容

藉氣

氣含蓄包容

藉氣

氣含蓄包容

藉氣

氣含蓄包容

藉氣

氣含蓄包容

藉氣

氣含蓄包容

藉氣

連屬

下燭音連也

連屬

猶合也

連屬

連屬也

連屬

連屬也

連屬

連屬也

連屬

連屬也

連屬

狼藉

狼藉狼臥之聲

狼藉

處草多披靡

狼藉

非耀音

狼藉

光耀音

狼藉

舊本耀

狼藉

舊本耀

狼藉

官偉

委音奇名

官偉

也大也

官偉

因音所陳切

官偉

也莊子塵垢批拂

官偉

非耀音

官偉

舊本耀

官偉

詫法

師詫法

詫法

師詫法

詫法

師詫法

詫法

師詫法

詫法

師詫法

詫法

師詫法

詫法

闡

闡音闡也

闡

闡音闡也

闡

闡音闡也

闡

闡音闡也

闡

闡音闡也

闡

闡音闡也

闡

10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

撰述

洪武大典

卷之三

四

- 通作霍揮
- 霍卒遽也
- 昊法師名
- 内音光地 劍官名
- 跋波上聲 寢寐
- 覺寢居
- 目閉神藏
- 也逝去聲
- 厥决音膏肓
- 其也膏肓上高音神之液也
- 昌入聲闕勘音圓涵
- 去聲二俱廁願
- 法師名
- 法師名闕官名塔
- 昂高也仰也下
- 模蘇味道爲相決事
- 不欲明白摸梭
- 上高音下混責音深也
- 鑑士名
- 上誣謗
- 下罔音誣也
- 瞞希音日光
- 鑑劉音
- 鑑同
- 包音叢生也華祿
- 克音外國或
- 詩方苞方體榮上聲秀穎
- 郁音文章闕居士
- 雁鴈榮行之謂洪醜毒
- 沉去聲魁音靈
- 道人名隱奥
- 上苦本切門限
- 上尤音瘡也
- 搏分也
- 盧官切
- 同同間奧
- 下鳥到切深也
- 詭嚇赫音怒也
- 法師名
- 夷人名額容也
- 忝稷上暑音早熟禾
- 下卽音五谷之長
- 彭殤傷音
- 齊——奔
- 舉音藏也
- 翥注音
- 奴人名奴同覩眼
- 丑豔切候也
- 爲妄作
- 樓一名也
- 羣說文窺視
- 砾硖
- 武夫音石似一縉
- 進音一雲
- 汾焚音
- 州名輶軟
- 荆榛
- 音木
- 各下猿續召俗凋二音招
- 曷冒音八十
- 令音懃同
- 澤莽忙上聲水大羸劣
- 雷音瘦也
- 聯娘音老
- 刺
- 掩音
- 尋音
- 下預音
- 樂人憇同
- 宸辰音帝卓音
- 著也
- 煦助佐也
- 嫗娘音
- 物
- 鴻瞿浴又不鋪杯切迄欣入聲
- 雜雜音參刈穫
- 詣音
- 哀音
- 進音
- 聲刈
- 縉雲縣名四裔聲邊地去稍山巧切亟戟音
- 搏上薄澆漓下离鷀
- 也沉疴阿平聲病也
- 也寢深也
- 觀破伺祝
- 唐捐虛同
- 在腕烏貫掩同
- 唐捐虛同
- 悉檀悉檀德
- 施也
- 耨蘋農上

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

入聲下  
 草載音急  
 痛鼻音足氣  
 弥脣切  
 痘不王也  
 室赤之切  
 輓輕侮也  
 軌謂法度也  
 捷潛入聲勝卜付音告  
 意所蹠迹也  
 長周廊  
 燮武音堂戶頂切  
 炮光也  
 燭平入聲  
 极極音增也  
 燈避音死也  
 瞭了音目  
 尤甚也  
 疋敗壞也  
 瞭睛明也  
 謬眉幼切誤  
 言譯音布也  
 說也  
 索問音  
 過安入聲  
 諸諱音  
 謂音  
 橫兼音并  
 繼絲繒也  
 詐也  
 擧微音  
 強也  
 挽似音  
 俟待也  
 遷急也  
 犬豺音  
 翳會音  
 倦益音  
 傅百骸  
 潟覘也  
 膺胷音  
 勵力也  
 謂音免  
 侈耻音  
 邁往也  
 眇也  
 右一百四十四字迺此書之用字也蓋取其疑難者據韻音釋雖未得允當庶資初學之用狀是書乃修淨土者之指歸雖悟達之士亦宜勉旃

興聖禪寺德海書 四明王友雲刊

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8



右上右四十四中風云車公正序。中華  
玄言。余嘗謂中國有此雖無以爲然。但其一不論。  
貴會祐。蓋有音。蓋子念取不取。文者。當。固。也。  
去。急。音。傳。於。裕。者。大。土。鄧。風。台。夷。者。與。定。微。音。  
大。曲。禪。無。山。禪。土。日。禪。者。小。新。地。而。也。  
大。音。闡。水。告。禪。者。新。路。會。至。契。於。禪。者。一。  
大。谷。洛。三。事。者。入。首。音。闡。真。音。曉。達。音。草。